



“CONVENIO DE COLABORACIÓN ENTRE O CONCELLO DE O VALADOURO E A ASOCIACIÓN DE VECIÑOS DE O CADRAMÓN 2025”

Reunidos no Valadouro, a 9 de xaneiro de 2025

Dunha parte, Don José Manuel Lamela Piñeiro, alcalde-presidente, en representación do Concello do Valadouro, con CIF nº P2706300G con domicilio en Ferreira do Valadouro, rúa Feira Nova nº 1, CP 27070, asistido polo secretario-interventor acumulado do Concello, Don Alfredo Sesar Peón.

E doutra parte, Don José Val Rouco, maior de idade con DNI 76.548.273 H na súa calidade de Presidente da Asociación de Veciños de O Cadramón, con CIF G27116227 á que representa neste acto con enderezo aos efectos de notificación en Escola do Cadramón, nº 1, en O Cadramón, O Valadouro.

Ambas as dúas partes recoñécense mutua e reciprocamente e capacidade legal suficiente e necesaria para este acto e libremente:

EXPOÑEN:

PRIMEIRO: Que a Asociación de Veciños de O Cadramón é unha entidade sen ánimo de lucro que ten por obxecto o desenvolvemento social e cultural así como a dinamización e ocupación do tempo libre. Que detecta a necesidade de arranxo da Ponte do Esteleiro (fase 2) e arranxo da Escola do Cadramón.

SEGUNDO: Que o Concello do Valadouro considera o interese público e social da Asociación de veciños de O Cadramón, impulsando a participación da mesma na definición das necesidades de inversión específicas en cada un dos seus ámbitos de actuación mediante a posta en marcha de programas de subvención para investimentos.

TERCEIRO: Que a Lei Reguladora de Bases de Réxime Local, posibilita no artigo 25, promover toda clase de actividades e prestar cantos servizos públicos contribúan a satisfacer as necesidades e aspiracións da comunidade veciñal.

CUARTO: Que por Resolución de Alcaldía nº 1094/2025, de data 23 de decembro de 2025, se concede unha subvención nominativa, con cargo á aplicación 151.780 do Orzamento Municipal de Gastos de 2025 por importe de 9.969,72 euros.





En virtude do exposto, as partes acordan celebrar o presente Convenio de Colaboración de conformidade coas seguintes:

CLÁUSULAS:

PRIMEIRA: Que a subvención concedida ten como finalidade o financiamento de gastos de investimento da Asociación de O Cadramón mediante a execución da actuación “Arranxo da Ponte do Esteleiro (fase 2) e arranxo da Escola do Cadramón”, e o outorgamento da axuda económica ven condicionada na Resolución de Alcaldía nº 1094/2025, de data 23 de decembro de 2025, e á sinatura do presente Convenio, polo que o beneficiario se compromete ao seguinte:

- Realización do investimento “Arranxo da Ponte do Esteleiro (fase 2) e o arranxo da Escola do Cadramón”, segundo se define na cláusula anterior e de conformidade co seguinte orzamento:

Concepto	Importe
Arranxo da Ponte de Esteleiro	7.623,00
Arranxo da Escola do Cadramón	2.346,72
Total	9.969,72 €

- Obter os permisos e autorizacións que resulten preceptivos, de ser o caso, para a realización do investimento.
- Someter ás actuacións de comprobación e organización, que os órganos competentes do Concello realicen.
- Notificar ao Concello calquera modificación que se pretenda realizar no proxecto inicialmente presentado, que deberá ser autorizado previamente.
- Na publicidade pola que se de a coñecer a realización do investimento farase constar de forma clara que está subvencionado ou patrocinado polo Concello de O Valadouro.
- Presentar antes do día **15 de setembro de 2026** no rexistro xeral do Concello a conta xustificativa, de acordo co previsto no artigo 72 do Real Decreto 887/2006, de 1 de xullo, polo que se aproba o Regulamento da Lei 38/2003, xeral de Subvencións:

-Facturas orixinais ou fotocopias compulsadas ou autenticadas ante Notario xustificativas dos gastos efectuados. Ditas facturas deberán estar expedidas a nome da Asociación.

-As subvencións que teñan por finalidade a realización de actividades de calquera natureza que xeren gastos de inversión, xustificarse aportando os seguintes documentos:

-Memoria detallada da actividade desenvolta e declaración de ter cumprido o obxecto da subvención.

-Relación de ingresos e gastos da actividade.





- Relación no seu caso doutras axudas concedidas á Asociación para a mesma actividade.
- Fotografías do investimento realizado no marco deste convenio.
- O Concello do Valadouro reservarase o dereito a solicitar toda a documentación que se considere precisa en relación coa xustificación do obxecto do presente convenio.

SEGUNDA: Que o Concello do Valadouro se compromete a:

Achegar a cantidade económica de 9.969,72,00 € de conformidade coa Resolución de Alcaldía nº 1094/2025 de data 23 de decembro de 2025, coa finalidade de colaborar na inversión “Arranxo da Ponte do Esteleiro (fase 2) e o arranxo da Escola do Cadramón”.

Consideraranse gastos a subvencionar de acordo cos fins recollidos no presente convenio, aqueles gastos que de maneira indubidable respondan á natureza do investimento subvencionado e resulten estritamente necesarios.

No caso de que os custos resulten inferiores aos inicialmente previstos, o Concello de O Valadouro terá a facultade de reducir a cantidade estipulada para o financiamento por ela comprometido ou, previa solicitude da Asociación de Veciños, autorizar á aplicación dos remanentes producidos na execución doutra actuación, que deberá ter a mesma finalidade e respecto da que deberá achegarse proxecto ou memoria valorada das actuacións pretendidas.

Os gastos subvencionables deberán producirse e realizarse dentro do prazo comprendido entre o día **1 de xaneiro de 2025 e o día 01 de setembro de 2026**, ambos os dous incluídos.

TERCEIRA: Poderá concederse un anticipo de ata o 75 % con dispensa de garantía sobre o importe total subvencionado, e previa solicitude efectuada polo interesado.

Para o abono do anticipo o beneficiario deberá achegar a seguinte documentación, no caso, de non presentala coa solicitude:

- a) Solicitude do anticipo.
- b) Declaración responsable de estar ao corrente das súas obrigas tributarias e coa Seguridade Social.
- c) Declaración responsable na que se faga constar que non é debedor por resolución de procedencia de reintegro, é dicir, que non ten pendente de ingreso no Tesouro Público ningunha reclamación de débeda derivada dunha resolución de reintegro de axuda pública.
- d) Documento emitido pola entidade bancaria, no que se reflecta a conta na que se procederá, no seu caso, ao abono do correspondente anticipo, unha vez tramitada a documentación achegada.





CUARTA: Establécese a obriga por parte da Asociación de Veciños de O Cadramón de reintegrar os fondos no suposto de incumprimento dos requisitos e obrigas establecidas para a concesión e, en todo caso, nos supostos regulados no artigo 33 da Lei 9/2007, de 13 de xuño, de Subvencións de Galicia, e nos artigos 74 a 76 do Real Decreto 11/2009, de 8 de xaneiro, polo que se aproba o Regulamento da Lei 9/2007, de 13 de Xuño, de Subvencións de Galicia.

QUINTA: De acordo co recollido no artigo 17 da Lei 9/2007, de 13 de xuño, de Subvencións de Galicia, a percepción da presente axuda será compatible coas doutras subvencións, axudas, ingresos ou recursos para a mesma finalidade, procedentes de calquera administración ou entes públicos ou privadas, estatais, da Unión Europea ou de organismos internacionais. Non obstante, o importe da subvencións en ningún caso poderá ser de tal contía que, illadamente ou en concorrencia con outras subvencións, axudas, ingresos ou recursos, supere o custo da actividade subvencionada.

SEXTA: Se a Asociación presenta a solicitude de anticipo o pago íntegro da subvención realizarase con carácter excepcional previo á xustificación polo beneficiario da realización da actividade, proxecto, obxectivo ou adopción do comportamento para o que se concedeu.

SÉTIMA: A vixencia do presente Convenio xurdirá efecto a partir da data da súa sinatura, aínda que con efectos económicos dende o 1 de xaneiro de 2025, e manterase ata o cumprimento dos compromisos e obrigas nel asumidos.

A data límite da vixencia do Convenio será a da aprobación da conta xustificativa e o seu pagamento que, salvo prórroga expresa antes da súa finalización, será o 31 de decembro de 2026, debendo estar aprobada a conta xustificativa na data límite do 30 de novembro de 2026, respectando en todo caso o límite temporal establecido no artigo 49, letra h) da LRXSP.

OITAVA: A modificación deste Convenio, que se levará a cabo, de ser o caso, mediante addenda ao mesmo, poderá realizarse por mutuo acordo das partes, acreditando a concorrencia de interese común, co límite substantivo de non alterar as condicións esenciais do documento inicial e sempre que dito convenio esté vixente, respectando o límite temporal máximo previsto no citado artigo 49 da LRXSP.

NOVENA: No non previsto neste Convenio estarase ao disposto nas bases de concesión de subvencións contidas nas Bases de Execución do Orzamento Xeral do Concello do Valadouro, na Lei 9/2007, de 13 de xuño, de Subvencións de Galicia, no Real Decreto 11/2009, de 8 de xaneiro, polo que se aproba o Regulamento da Lei 9/2007, do 13 de xuño, de Subvencións de Galicia, na Lei 38/2003, Xeral de Subvencións e Real Decreto 887/2006, de 21 de xullo, polo que se aproba o Regulamento da Lei 38/2003, Xeral de Subvencións. Igualmente no tocante ao carácter xurídico de este convenio estarase ao disposto na Lei 40/2015, de 1 de outubro, do Réxime Xurídico do Sector Público e na Lei 39/2015, de 1 de outubro, do Procedemento Administrativo Común das Administracións Públicas.





En O Valadouro, na data de sinatura á marxe.

O alcalde-presidente: José Manuel Lamela Piñeiro.

O presidente da asociación: José Val Rouco.

O secretario-interventor acumulado: Alfredo Sesar Peón.

DOCUMENTO ASINADO DIXITALMENTE Á MARXE.

